

Datum: 14.03.2015

Broj: 02-06-1028

## **Vlast uvodi brutalnu diktaturu u Republici Srpskoj. Paljenje automobili Nebojše Vukanovića posljedica stvaranja atmosfere linča**

**Banja Luka, 14.03.2015. godine** - Usvajanjem Zakona o zaštiti ustavnog uređenja RS, kojim se uspostavljaju paralelne pravosudne institucije i paraobavještajna Služba za zaštitu ustavnog uređenja, vladajući režim uvodi Republiku Srpsku u fazu otvorene diktature. To će imati nesagladive posljedice za ljudska prava i slobode građana koja su posljednjih dana brutalno napadnuta. Progon neistomišljenika je legalizovan, a osnivanje ovakvih službi daje režimu i resurse da se sa njima obračunava na najbrutalniji način.

Transparency International u BiH upozorava da su ovakvi zakoni i postupci imanentni brutalnim diktatorama i oni umjesto proklamovane zaštite ustavnog uređenja upravo predstavljaju njegovo grubo urušavanje. Na ovakav način se stvaraju zakonske pretpostavke za uvođenje državnog terora protiv vlastitih građana, što je posljedica svih ranijih odluka. Ovakvi procesi se dešavaju u diktaturama gdje vlast gubi legitimitet i pokušava pravnim, ali i drugim oblicima nasilja suzbiti nezadovoljstvo.

Podsjećamo da je vlast već donijela niz drugih zakona koji suzbijaju slobodu medija, govora, udruživanja i javnog okupljanja. Nakon toga, nastavljeno je usvajanjem niza zakona koji, osim što narušavaju ustavni poredak i predstavljaju udar na institucije, podrazumijevaju i potpunu kontrolu nad radom pravosuđa i agencija za provođenje zakona, sa jedinim ciljem da se zaštiti Milorad Dodik od daljeg procesuiranja.

Na kraju, usvajanje ovakvih zakona dešava se u atmosferi linča orkerstriranoj od strane aktuelne vlasti i direktnim pozivima na nasilje iz skupštinskih klupa, te napadima na novinare i opoziciju. Sve je tragično rezultiralo paljenjem automobila opozicionog poslanika Nebojše Vukanovića ispred porodične kuće u Trebinju, koje TI BiH najoštrije osuđuje i poziva institucije da hitno reaguju.

Transparency International u BiH stoga poziva da se **pod hitno** pokrene procedura ocjene ustavnosti ovakvih zakonskih rješenja a da agencije za provođenje zakona osiguraju sigurnost svim građanima. Isto tako, očekujemo da će se i same institucije oduprijeti napadima i pritiscima, kako bi mogle zaštititi osnovna prava građana.

**Udruženje za borbu protiv korupcije Transparency International u BiH**  
Reg. Br. UP08-07-1-616/11, Ministarstvo pravde BiH, Sarajevo

**Sjedište:** Krfska 64e 78 000 Banja Luka Tel/Fax +387 51 216 369, 216 928, 224 521, 224 520

**Ispostava:** Mula Mustafe Bašeskije 9/1, 71000 Sarajevo, Tel/Fax +387 33 220 049, 220 047

**E-mail:** [info@ti-bih.org](mailto:info@ti-bih.org)

**Web:** [www.ti-bih.org](http://www.ti-bih.org)